



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De Beato Guariono Episc. Sedunensi.

[urn:nbn:de:hbz:466:1-72708](#)

crederetur, quae cum ad auxilium viri Dei devota venisset, statim in ipso ingressu ecclesie diu clausi sunt aperti. Apertio nem autem eorum tanta est lacrymarum effusio subsecuta, ut vestes mulieris usque ad pectus adeo madidarentur, ut perfusa fluvio viderentur. Accessit ad tumbam, Deo gratias agens, ejusque magnifice Confessori: domum inde rediens, plena post modicum gratulata est sospitate.

Alia miracula intercederunt.

44 Multa quidem et alia signa fecit Jesus, famulum suum honorans, que non sunt scripta in libro hoc, quae vel quorundam simplicium Fratrum humilitas ultra suppressit, vel allorum incuria obliioni tradidit negligenter. Hæc autem, que auribus nostris audivimus, Patres nostri annuntiaverunt nobis, et seniores fide dignissimi, brevi calamo perstringentes; futura, quorum Deus sibi notitiam reservavit, admettenda committimus diligenter posterorum. Nam fiduciam talen habemus in Domino, quod nisi requirentibus famuli sui dilecti suffragia devotionis et fidei vasa defecerint, sui oleum non deficit Elisei, ipso præstante, qui est benedictus in sæcula sæculorum, Amen.

a Urbs est Franconia primaria, vulgo Wirtzburch, ad Menum fluvium.

ANACEPHALÆOSIS.

a **C**um fidelium pia devotio amplius et perfectius circa nota quam incognita moveatur, ut universi, qui praesentem sunt ingressum basilicam, conobii hujus Prufenensis originem ac profectum usque in haec tempora non ignorant, pagellam hanc omnibus accessuris, vice speculi duximus adhibendam. Scindum est igitur, quod anno post partum Virginis gloriae MCIX, beatissimus Pater S. Otto Babenbergensis Episcopus, divina revelatione præmonitus evi-
b denter, *b* ut in gestis ejusdem plenus continetur, locum hunc in Dei ac S. Georgii Martyris victoriosissimi fundavit honorem; eoque in dominibus, habitaculis, officiis, claustris, convenientibus, per ipsius studium et industriam laudabiliter consummato, ac communio liberaliter et abunde prædis, silvis, ceterisque possessionibus, quas necessitas coenobialis vita requirit, Fratres collegit et instituit in eodem, qui sub Beati regula Benedicti Deo ibi perenniter militarent.

Abbas Erminoldus, antea Lorsacensis.

46 Collecto ergo conventu B. Erminoldum, cuius sepulchrum in medio basilice cernitur, huic Ecclesiae primum Domino disponente præfecit Abbatem, evocatum tam multiplicibus, quam supplicibus litteris de Hirsangiensi conobio: in quo sub B. Wilhelmi regimine monasticae vite jugum portaverat ab adolescentia sua. Unde jam pridem propter summan perfectionem vita laudabilis, cuius fama præconium longe lateque percrebuerat, ad Loracensem Ecclesiam electus est Abbas, et ab Henrico Quinto nominis hujus Imperatore, regalibus solemniter investitus. Cui Ecclesie cum paullo plus quam anno gubernatione sanctissima præfuisse, ex sub tantillo spatio temporis, non minus quam quadraginta Domino sanctæ religioni filios aggregasset; et ibidem, propter quemdam conscientiæ levem scrupulum, culpam timens ubi culpa omnino non erat, dignitatem Abbaticæ illius resignans, cum fratribus Deo collectis ad Hirsangiense conobium remigravit: ubi cum suis jocunde

receptus est et servatus, et aliquanto tempore demoratus ibidem. Demum anno Domini MCXIV, a venerabili fundatore nostro, huic loco, ut dictum est, gubernando præfictum primus Abbas, et rogatu venerabilis Domini Hartwici tunc Ratisponensis Episcopi et consensi, per sancte memoriae Udalricum Patavensem Episcopum in Abbatem solemniter consecratur.

47 Cumque in cura suscepit regiminis boni pastoris instar, verbo pariter et exemplo subjectos a malo refraheret, provocaret ad bona, nihilque negligeret faciendum, sed invigilaret divinis operibus incessanter; diabolus sua damna et Dei lucra vides et invidens quotidie crescere per eumdem, quosdam malitia sua satellites ad sancti Patris animavit interitum, et armavit. Ne igitur venerabilis Christi Confessor, qui regimine Patriarchas, Apostolos documentis et signis, virgines castitate concives habere meruerat, Martyrum quoque palma careret; post multas injurias, contumelias, et terrores, ab uno ministerio diaboli, ligneo per insidias vecte percussus, aliquamdiu supervivens, tandem in sancto Epiphaniarum die sub Hymno videlicet Angelorum, ad Angelorum Regem et regionem glorioso fine transivit; sicut in ipsius festi vigilia, Propheticò, quo plenus erat, spiritu ipse predixerat; eo ipso nos, quod pro signo sui dederat vaticinii, certiorans, quod numquam videlicet divum cessare deberet obsequium in hoc loco: quod et ex tunc usque in haec tempora, sicut patet, ejusdem Patris, ut credimus, meritis et obtenu in suo statu permanet et vigore.

48 Spiritu igitur migrante ad cœlos, corpusculum sancti Patris in eo, quod in presentiarum cernitur, sepulchro, devote reconditum, innumeris mox cepit virtute Christi miraculis coruscare, cæcis visu restituto, quam pluribus contractis et claudis gressu, resolutione turbulentibus et inflatis, epilepticis, paralyticis, energumenis, daemonicis, surdis, haemorrhioicis, sospitatis potita; blasphemis vero punitis, igne tabifico, lepra et morte postremo, quæ merebantur punitis et correctis, accendentibus vel agentibus aliquid circa ipsius tumulum fraudulenter, sicut libro miraculorum ipsius plenius manifestatur.

49 Ceterum inter virtutes et signa, quæ diximus, non debet hoc minimum reputari, quod cum aliquanto jam tempore memoria sancti Patris ab hominibus intermissa fuerat et neglecta, nunc tandem tam crebra visitatione accendentum jam continuo renovatur, ut hoc, quod de Justo per Sapientem scriptum est: Non recedet memoria ejus, et nomen ejus requiretur a generatione in generationem, ipso facto et evidentiā in eo sit impletum. Prepter quod profecto speramus, quod Deus omnipotens in suo famulo glorificari, et in se glorificare disponens eumdem, omnes qui per ipsum Domini beneficia postulaverunt, pie, fideler et attente, misericorditer vel ad votum exauditurus sit vel ad fructum. Cursim ista perstrinximus et summatim, quatenus omnes, qui Dei ac famuli sui patrocinia postulaturi advenirent, ipsius aliqualiter merita cognoscentes, exauditionis suæ fiduciam eo ipso concipiunt ampliorem apud Deum, qui est benedictus in sæcula sæculorum, Amen.

Illustratur miraculis.

Ecccl. 39. 13.

a Sejanzi sequentia a reliqua narratione, cum qua nulla ratione conexa sunt, sed ejus quoddam potius compendium, quod fortassis in tabula quicquam propositum erat in ecclesia Prufenensi.

b Lib. i vitæ ab Henrico Canisio editæ num. 11.

DE BEATO GUARINO EPISC. SEDUNENSI.

*S*edunum Valesianorum civitas est ad Rhodanum, vulgo Sitten, Gallis Sion. Hic Guarinus Episcopus fuit, quem Hugo Menardus, ex vetusto Missali ante centum annos excuso, recenset in catalogo Sanctorum et

*Beatorum Ordinis Cisterciensis. Ejus natalem refert Guarini na-
Chrysostomus Henriquez in Menologio Cisterciensi VIII talis:
Id. Januarii his verbis: in Alpibus B. Garinus Epi-
scopus, qui prius in rupibus illis sanctissime vixit,
et*

EX VARS.

et humilitatem demissam amplectens, puritatem et simplicitatem cordis obtinuit. Contemplationi summe deditus, omnem externarum rerum tumultum fugiebat. Monachos laxe viventes reformavit, et eos rigori Cisterciensi subjecit. Cumque virtutum ejus fama se circumquaque diffunderet, Sedunensis Ecclesiae Episcopus creatur, ibique Pastorem vigilantissimum se exhibens, variis sanctitatis titulis ornatus, in senectute bona piissime obiit. At Kalendarium Cisterciense Divione editum, vi Februarii haec habet: Garinus Abbas Altæcumbe, Episcopus Sedunensis. Est apud Cl. Robertum aliud ab Alpensi monasterio Altæcumbe situm ad lacum Burgetum. At Beati aut Sancti titulus Guarino olim ab Apostolica Sede fuerit decretus, haud scio; probabile tamen fit, cum passim et publice Beatum haberet appellari in Ordine suo asserant Cistercienses quamvis nulla de eo in propriis Officiis fiat Commemoratio. Andreas quoque Saussagus in Martyrol. Galliano Beatum vocal, atque insigni ornat eloqui.

NOT. 107.

2 Qui vir fuerit Guarinus, colligi potest ex S. Bernardi Epistola 253, in qua haec ad ipsum scribit Guarinum, ejusque monachos: Reverendo Patri et omni veneratione digno Domino Abbatii Alpensi Guarino, et universis ejusdem loci Fratribus, Frater Bernardus vestras sanctitatis servus, de bono in melius semper proficere. Revera nunc in te, Pater, experior, quod in sacris literis legisse me memini: Cum summatus fuerit homo, tunc incipit. Jam semi requies, jam corona debebat eremito; et ecce tamquam novus in Christo miles, nova iterum tibi excitas bella, provocas adversarium, et rem fortium presumis fessus senex, dum ad iterandum certamen, antiquum hostem, et jam quodammodo invitum compellis. Enimvero dum prater morem tuum, tuorumque praedecessorum traditiones, divinitus inspiratus Ecclesiastis et Ecclesiastica beneficia reliquias, synagogas satanae, id est, cellulas extra conobium, in quibus tres vel quatuor Fratres sine ordine, sine disciplina habitare solent, destruis, feminas a monasterio arcere, ceterisque pietatis ac disciplinae bonis studiosius invigilas solito; quid alius primus et maximus ille peccator nisi videbit et irascetur, dentibus suis fremet, et tabescet? Sed quae cura? Econtra tu in ejus confusione et tua consolatione cantabis Deo tuo: Qui timet te, videbunt me, et laetabuntur, quia in verbo tuo supersuperavi. Nec timendum quod succumbat hosti, qui nec cedit etat: vincit animos animus, et frigenti iam corpore fervet sanctum in corde desiderium; artibusque fatiscens, durat tamen incolumis propositi vigor; nec sentit rugose carnis infirma spiritus promptus. Nec mirum: ut quid enim metuat

Eccl. 18. 6.
Vigor in sene-
ctute:

Pia instituta:

veterani domicili ruinas, qui fabricam spiritualem videt indies in sublime consurgere, proficere in aeternitatem? Certus namque est, si terrestris domus ista dissolvitur, quod aedificationem habet ex Deo, domum non manu factam, aeternam in celis.

*3 F*use deinde probat S. Bernardus, monachum semper proficere debere, ac tandem subdit: Quod quidem sic adstruimus exemplis, ut probemus et oculis; dum in te, Pater, manifestum fit nobis quod dicitur: cuius quippe etsi homo exterior corruptitur, sed interior renovatur de die in diem. Unde enim tantus ardor innovandi Ordinis, nisi ex renovatione mentis? Sic bonus homo de bono thesauro cordis sui profert bona: sic arbor bona fructus bonos facit. Primi et purissimi fructus tui. Sed quenam arbor hos protulit, nisi puritas cordis? Alioquin quando impurus animus tantostudio regule inquireret eligereque puritatem? Nec de turbido fonte limpidus emanat rivus, nec de sordida mente munda cogitatio. Intus est procul dubio, intus est quod delectat: et ex illa plenitudine intrinseca erumpit totum, quod foris exuberat: atque in mente fulget, quod sic placet in opere.

*4 Sequimini fili Patrem: imitatores ejus estote, celebre no-
men.*

Sicut et ipse Christi. Dicite: In odore unguentorum tuorum curremus, siquidem bonus odor Christi est in omni loco. Nam ut taceam de vobis, qui praesentes minus percipitis fragrantiam, tanta ad nos usque, qui longe absumus, ex studiis ejus bonis pervenit hujus suavissimæ respirationis ubertas, ut nobis certissime fiat odor vita ad vitam. Puto quod et in caelis id jam persenserint in odorem suavitatis, et quadam solito festiviori exultatione decantent: Quae est ista que ascendit per desertum, sicut virgula fumi, ex aromatibus myrrha et thuris, et universi pulveris pigmentarii? Et illud: Emisiones tuae paradisi malorum Punicorum cum pomorum fructibus. Quicumque inter vos hunc in celis jubilum non audit, invidet. Quisquis hunc non sentit odorem, ut omnium pace dixerim, putet. Hæc Bernardus, cum adhuc Abbas esset Guarinus.

*5 Electus est deinde Sedunensis Ecclesie Antistes. Promoto ad
Quam electionem mirifice probavit Bernardus, et maren-
tes Monachos Alpenses consolatus est Epistola 142,
que incipit: Bonus Pater vester atque noster, au-
ctore Deo ad altiore gradum assumptus est, etc.
Sub finem hortatur, ut ejusdem Guarini consilio, et
Godefridi Prioris Claravallensis, maxime idoneum eli-
gant sibi Abbatem. Alpensis conobii meminit idem Ber-
nardus Epist. 28. Guarini vero Bernardus Ab. Bonaval,
vitæ S. Bernard. l. 2, e. 8.*

Quotidiana
innovatio:

DE VENERABILI VIRGINE GERTRUDE AB OOSTEN BEGHINA DELPHENSI IN BELGIO.

AN. CUR.
MCCCLVIII.
VI JANUARI.Gertrudis van
Oosten cele-
bre nomen.

Gujus sanctæ virginis celebris est in nostris Historiæ memoria, sacris et fastis adscripta, etsi nondum solemnè Ecclesiæ judicio consecrata, quod quidem compererim. De ea Corthusiani Colon. in Addit. ad Usuardum editis anno MDXV et MDXI. Item beatæ memorie Gertrudis de Oosten Beginae Delphensis, quæ stigmata Christi impressa habuit in corpore suo. Eudem habet Martyrologium Germanicum. Molanus in Addit. ad eundem Usuardum: Delphis in curia Beghinarum obitus Venerabilis Gertrudis de Oosten, cuius vita habetur. Martyrologium Gallobelgicum: S. Gertrudis de Oosten Begina, nata Vorburgi, sepulta Delphis Hollandiæ oppido in

zede S. Hippolyti. Ferrarius in Generali catalogo Sanctorum: Apud Delphos in Batavis S. Gertrudis virginis. Sed in nova Topographia Martyrologii Romani fœde hallucinatur idem Ferrarius, ad nomen Delphi ita scribens: xvii Martii, Gertrudes virgo Ordinis Praedicatorum A. D. MCCXL. Sur. tom. 7, ex qua urbs Hollandica in Brabantia confinio S. Gertrudenberch nominata. Gertrudenberga dicta creditur a S. Gertrude filia Ducus Brabantæ, quæ colitur xvii Martii, non Delphis, sed Nivelles, mortua anno DCLXIV, unde patet, non fuisse Ordinis Praedicatorum. Quæ Delphis celebris habetur Gertrudis fuit Begina, mortua anno MCCCLVIII, vi Januar.

2 Meminit